

經

玩

經考卷一

休寧戴震記

重卦

邵

張懷瓘曰先賢說八卦非伏羲自重易曰聖人立象以盡意設卦以盡情偽八卦成列象在其中矣因而重之爻在其中矣剛柔相推變在其中矣伏羲自重之驗也易又曰昔者聖人之作易也觀變於陰陽而立卦發揮於剛柔而生爻故易六畫而成卦六位而成章又伏羲自重之驗也

程大昌曰周官紀三易其經卦皆八其別皆六十有四連山夏也歸藏商也夏商之世八卦固已別為六

十四矣

王弘撰曰、孔子言伏羲始作八卦、因而重之、其為伏羲重卦無疑、若復別有人、孔子豈得無一言乎、又如

八卦相錯、明八卦已錯為六十四矣、

范字當
以作通字

顧炎武曰、攷之左傳、襄公九年、穆姜薨於東宮、筮之遇艮之隨、姜曰、是於周易曰、隨元亨利貞、无咎、獨言是於周易、則知夏商皆有此卦、而重八卦為六十四者、不始於文王矣、

三易

周禮太卜掌三易之法、一曰連山、二曰歸藏、三曰周

易其經卦皆八其別皆六十有四
程頤曰連山歸藏宜與周易數同而其辭異先儒謂
周易以變者占非也連山歸藏以不變者占亦非也
古之筮者兼用三易之法衛元之筮遇屯曰利建侯
是周易或以不變者占也季友之筮遇大有之乾曰
同復于父敬如君所此固二易辭也既之乾則用變
矣是連山歸藏或以變者占也
顧炎武曰連山歸藏非易也而周官云三易者後人
因易之名以名之也猶之墨子言周之春秋燕之春
秋宋之春秋齊之春秋周燕齊宋之史非必皆春秋

也。而云春秋者，因魯史之名以名之也。

易取變易之義

胡瑗曰：易繫辭云：易窮則變，則通。又云：生生之謂易。是大易之作，專取變易之義。

程子曰：易變易也。隨時變易以從道也。

又曰：上天之載，無聲無臭。其體則謂之易，其理則謂之道。其用則謂之神。其命於人則謂之性。率性則謂之道。修道則謂之教。

朱子曰：易書名也。其卦本伏羲所畫，有交易變易之義。故謂之易。

朱子語類問易有交易變易之義如何。曰：交易是陽交於陰，交於陽是卦圖。

上底如天地定位山澤通氣云云者是也變易是陽
爻陰爻變陽老陽變為少陰老陰變為少陽此是占
筮之法如晝夜寒暑
屈伸往來者是也

按易之名惟取變易之義故四營而成易謂之變也
變易之義足以盡之朱子兼交易為言就成卦以後
圖位明之耳變易中能兼交易聖人命名祇歸於一
漢人謂一名而含三義者尤踈遠

彖辭爻辭

孔穎達曰周易繫辭凡有二說案繫辭云易之興也
其於中古乎作易者其有憂患乎又曰易之興也其
當殷之末世周之盛德邪當文王與紂之事耶準此

諸文伏羲制卦文王繫辭孔子作十翼易歷三聖只
謂此也故史遷云文王囚而演易鄭學之徒並依此
說也案升卦六四王用亨于岐山武王克殷之後始
追號文王為王又明夷六五箕子之明夷左傳韓宣
子適魯見易象云吾乃知周公之德周公被流言之
謗亦得為憂患也驗此諸說以為卦辭文王爻辭周
公馬融陸績等並同此說所以只言三聖不數周公
者以文統子業故也

劉安世曰文王拘於羑里而演六十四卦之辭如乾
元亨利貞坤元亨利牝馬之貞是也非重六爻也至

於爻辭則恐周公所作。若爻辭是文王作，不應曰王
周^用亨于西山，又不應曰箕子之明夷也。

九六七八

周易乾鑿度：陽動而進，陰動而退。陽變七之九，陰變
八之六。陽動而進，變七之九，象其氣息也。陰動而退，
變八之六，象其氣消也。九六爻之變動者，繫曰爻效
天下之動也。

孔穎達曰：老陽數九，老陰數六，以揲著之數。九過揲
則得老陽，六過揲則得老陰。其少陽稱七，少陰稱八。
義亦準此。張氏以為陽數有七有九，陰數有八有六。

但七為少陽、八為少陰、質而不變為爻之本體、九為老陽、六為老陰、爻而從變、故為爻之別名。

沈括曰、易象九為老陽、七為少陽、八為少陰、六為老陰、其九七八六之數、皆有所從來、得之自然、非意之所配也、凡歸餘之數、有多有少、多為陰、如爻之耦、少為陽、如爻之奇、三少乾也、故曰老陽、九揲而得之、故其數九、其策三十六、兩多一少、則一少為之主、震坎艮也、故皆謂之少陽、少在初為震、中為坎、末為艮、皆七揲而得之、故其數七、其策二十有八、三多坤也、故曰老陰、六揲而得之、故其數六、其策二十有四、兩少

一多則一多為主、巽離兌也、故皆謂之少陰、多在
初為巽、中為離、末為兌、皆八揲而得之、故其數八、其
策三十有二、

朱子曰、老少於經固無明文、然揲著之法、以奇偶分
之、然後爻之陰陽可得而辨、又於其中各以老少分
之、然後爻之陰陽變與不變可得而分、經之用九用
六、正謂此也、

又曰、陽奇陰偶、故七九為陽、六八為陰、陽進陰退、故
九六為老而七八為少、陽極於九、則退八而為陰、陰
極於六、則進七而為陽、一進一退、循環無端、

又曰、多少之說、雖不經見、然其寔以一約四、以奇為少、以偶為多而已、九八者、兩其四也、陰之偶也、故謂之多、五四者、一其四也、陽之奇也、故謂之少、

顧炎武曰、易有七八九六、而爻但繫九六者、舉隅之義也、故發其創於乾坤二卦曰、用九、用六、用其變也、亦有用其不變者、春秋傳、穆姜遇艮之八、晉語、董因得泰之八、是也、杜元凱注、周易連山、歸藏二易、皆以七八為占、故言遇艮之八者、非晉語、公羊子笙得貞屯悔豫皆八、本卦為貞之卦、為悔沙隨程氏曰、初與四五凡三爻變、其變不者二、三、上、在屯為八、在豫亦八、今即以艮言之、二爻獨變、則名之六、餘爻皆變、而二爻獨不變、則名之八、是知乾坤亦有用七

用八時也。乾爻皆變而初獨不變。曰初七潛龍勿用可也。坤爻皆變而初獨不變。曰初八履霜堅冰至可也。占變者其常也。占不變者其反也。故聖人繫之九六。歐陽永叔曰。易道占其變。故以其所占者名爻。不謂六爻皆九六也。得之矣。

又曰。乾之策二百一十有六。坤之策百四十有四。亦是舉九六以該七八也。朱子謂七八之合亦三百有六十也。乾遇七則一百六十八。坤遇八則一百九十二。

按大衍之數五十。虛一而用四十九。著分而為二。掛一。揲之以四。歸奇於扚。凡四營成易。是為一變。掛扚

所得非五則九去其初掛之一或四或八也四者一其四為奇八者兩其四為偶除一變得數復合見存之策而四營掛扐所得非四則八是為再變除兩次得數如前合見存之策而四營掛扐所得亦非四則八是為三變合三變乃成爻三奇曰老陽三偶曰老陰一奇二偶曰少陽二奇一偶曰少陰此驗於掛扐之數而知之者也老陽數九而其策三十六老陰數六而其策二十四少陽數七而其策二十八少陰數八而其策三十二此驗於過揲之數而知之者也陰陽老少所以別其成爻之有變有不變而已說者假

乾坤六子以明之言乾坤以喻老陽老陰言六子以
喻少陽少陰其寔奇偶未得成卦泥於辭觀之則惑
矣

十翼

史記孔子世家孔子晚而喜易序彖繫彖說卦文言
漢書藝文志孔氏為之彖象繫辭文言序卦之屬十
篇

漢書儒林傳費直治易長於卦筮亡章句徒以象象

繫辭十篇文

之當作

言辭說上下經

魏志高貴鄉公問孔子作象象鄭玄作法注雖聖賢不

同其所釋經義一也。今象象不與經文相連、而注連之何也。易博士淳于俊對曰、鄭玄合象象於經者、欲使學者尋省易了也。帝曰、若鄭玄合之於學誠便、則孔子曷為不合以了學者乎。俊對曰、孔子恐其與文王相亂、是以不合。此聖人以不合為謙。帝曰、若聖人以不合為謙、則鄭玄何獨不謙耶。俊對曰、古義弘深、聖問奧遠、非臣所能詳盡。

隋書經籍志、秦焚書、周易獨以卜筮得存。唯失說卦三篇。後河內女子得之。

孔穎達曰、象象等十翼之辭、以為孔子所作。先儒更

無異論、但數十翼亦有多家、既文王易經本分為上
下二篇、則區域各別、象象釋卦亦當隨經而分、故一
家數十翼云、上象一、下象二、上象三、下象四、上繫五、
下繫六、文言七、說卦八、序卦九、雜卦十、鄭學之徒、並
同此說、

又曰、夫子所作象辭、元在六爻經辭之後、以自卑退、
不敢干亂先聖正經之辭、及至輔嗣之意、以為象者
本釋經文、宜相附近、其義易了、故分爻之辭、象各附
其當、爻下言之、猶如元凱注左傳、分經之年、與傳相
附、

本仁有園監

東原而自加

今即二雲集

年所不甚依

本亦予偶用墨

年補之如吳仁傑

已下是也

程迥曰朱待制新仲嘗謂迥曰序卦非聖人書唐一行易纂引孟喜序卦曰陰陽養萬物必訟而成君臣養萬民亦訟而成之然則今序卦亦出於經可知也

吳仁傑曰費直易省去彖象傳繫辭傳之目但總

一傳字加於彖傳之首王弼王肅易皆存傳字蓋

於此

又曰費直易亡章句崇文總目序云以彖象文言

入卦中者自費氏始按鄭康成易以文言說卦序

合為一卷則文言雜入卦中康成猶未爾非自費

始也。直本傳云、徒以象象繫辭十篇之言解說上下
經、蓋解經但用象象繫辭。漢書本誤以之言字為文
言耳。然象象繫辭之名一沒不復、汨亂古經則始於
此。

朱子曰先儒雖言費氏以象象文言參解易文、然初
不言其分傳以附經也。至謂鄭康成始合象象於經、
則魏志之言甚明、而詩疏亦云、漢初為傳訓者皆與
經別行、三傳之文不與經連、故石經公羊傳皆無經
文、而藝文志所載毛詩故訓傳亦與經別、及馬融為
周禮注、乃云、欲省學者而讀、故具載本文而就經為

注馬鄭相去不遠。蓋做其意而為之爾。孔疏之言曰。夫子所作彖辭。元在六爻。經辭之後。雖未免於有失。而謂輔嗣分爻之象。以附當爻。則為得之。王弼注本之乾卦。蓋存鄭氏所附之例也。坤以下六十三卦。又弼之所自分也。

馬椅曰。鄭氏易。隋志九卷。唐志十卷。不知何緣增一卷。崇文總目止有一卷。惟文言說序雜合四篇。餘皆逸旨趣淵。確去聖人未遠也。中興書目亡。俞琰曰。隋經籍志云。秦焚書。周易獨以卜筮得存。惟失說卦三篇。後河內女子得之。今韓康伯注。今以說

卦三篇分出序卦雜卦。則序卦雜卦之名。蓋始於康伯也。

問若璩曰。余嘗謂左傳左氏作。非左丘明。蓋左氏六國時人。習聞闕里遺言。而衆稱之。故每於孔子前。人不覺以易論語之文。散入其口中。此自是其文之所至。非當日本然也。如襄九年。穆姜舉元體之長也。已先文言有之。豈孔子襲穆姜。乃撰穆姜語者。用孔子耳。而代之後。先事之虛寔。有不暇顧。或者猶以歐陽公書為據。余請更以事徵之。千古聖人。莫過孔子。孔子所著書。莫如論語。言學莫大於仁。言仁莫精於顏

淵仲弓問兩章。據昭十二年。則克已復禮仁也。為古
志之語。據僖三十三年。則出門如賓。承事如祭。仁之
則也。為曰季所聞。皆先論語有之。豈孔子於二子定
規。不然。取陳言以應之乎。必不爾也。

按漢藝文志。易經十二篇。施孟梁丘三家。顏師古云。
上下經及十翼。故十二篇。是十二篇者。三家所同也。
隋志以說卦三篇為宣帝時河內女子所得。據史記。
世家已有說卦之稱。則武帝時太史公已見之。不可
謂漢初無說卦也。漢書已明言序卦。鄭氏易有文言。
說序雜四篇。而俞琰謂序卦雜卦之名始於韓康伯。

亦考之未詳

又按吳氏正漢書文言為之言致確陸德明易釋文
於繫辭上篇題下云王肅本皆作繫辭上傳訖於雜
卦皆有傳字肅所注亦費氏易未嘗省去繫辭之目
也而吳氏謂費直易省去象象繫辭之目但總以一
傳字加於彖傳之首者此後人誤解漢書傳會為之
漢書但云費氏易無章句徒以象象繫辭十篇之言
解說上下經蓋費氏易仍是經二篇傳十篇但不自
立訓詁章句其解說經即用傳意明其當時口授學
徒如此何嘗汨亂古經沒象象繫辭之名乎使如吳

氏所云。則劉向。班固。皆當言其篇題與古文異。若凡以改易古經。咎費氏。皆不察之論也。

又按。鄭氏易文言說卦序卦雜卦。猶合為一卷。則分文言入乾坤二卦後。亦始于輔嗣也。唐李鼎祚集解。又分序卦於各卦之前。如詩書之序。伊川易傳則于卦辭前引序卦傳。兼論上下兩體。與李氏同意。

又按。隋志言宣帝時。河內女子得易說卦三篇。書太誓一篇。本後漢王充房宏等之說。劉歆移書太常博士。只云太誓後得。不繫何年。說卦三篇。宜與之同時而得。但武帝世已有。不當宣帝世耳。易以卜筮得不

禁而漢初失說卦三篇者考說卦序卦雜卦辭指不
類孔子之言或經師所記孔門餘論或別有傳聞漢
漢武帝時博士集而讀之合於上下經象象繫辭文
言為易經十二篇猶以太誓合於伏生所傳二十八
篇為今文尚書二十九篇也序卦雜卦雖各自為題
統而言之固可謂之說卦三篇先儒合為十翼遂一
歸孔子而無敢異議矣

易為卜筮而作

朱子曰大抵易之書本為卜筮而作其所勸戒亦以
施諸筮得此卦此爻之人

又曰、聖人作易、本是使人卜筮、以決所行之可否、而因之以教人爲善、如嚴君平所謂與人子言依於孝、與人臣言依於忠者、故卦爻之辭、只是因依象類、虛設於此、以待叩而決者、使以所值之辭、決所疑之事、似若假之神明、而亦必有是理、而後有是辭、理無不正、故其丁寧告戒之辭、皆依於正天下之動、所以貞夫一而不謬於所之也。

又曰、卦爻之辭、本爲卜筮者斷吉凶、而因以訓戒、至象象文言之作、始因其吉凶訓戒之意、而推說其義、理以明之、後人但見孔子所說義理、而不復推本文

王周公之本意、因邇卜筮為不足言、而其所以言易者、遂遠於日用之寔、類皆平合委曲、偏主一事而言、無復包含該貫曲暢旁通之妙、若但如此、則聖人當時自可別作一書、明言義理、以詔後世、何用假託卦象、為此艱深隱晦之辭乎、

理象數

程子曰、有理而後有象、有象而後有數、得其義、則象數在其中矣、必欲窮象之隱微、盡數之豪忽、乃尋流逐末、術家之所尚、非儒者之所務也、管輅郭璞之學是也、又曰、理無形也、故因象以明理、理見乎辭矣、則

可由辭以觀象故曰得其義則象數在其中矣
朱子曰乾之為馬坤之為牛說卦有明文矣馬之為
健牛之為順在物有常理矣至於案文責卦若屯之
有馬而無乾離之有牛而無坤乾之六龍則或疑於
震坤之牝馬則當反為乾是皆有不可曉者是以漢
儒求之說卦而不得則遂相與創為互體變卦五行
納甲伏伏之法參互以求而幸其偶合其說雖詳然
其不可通者終不可通其可通者又皆傳會穿鑿而
非有自然之勢唯其一二之適然而無待於巧說者
為若可信然上無所關於義理之本原下無所資於

人事之訓戒則又何必若心極力求於此而欲必得之故王弼曰義苟應健何必乾乃為馬文苟合順何必坤乃為牛然觀其意又似直以易之取象無後有所自來但如詩之比興孟子之譬喻而已如此則是說卦之作為無所興於易而近取諸身遠取諸物者亦剩語矣故疑其說亦若有未盡者因竊論之以為易之取象固必有所自來而其為說必已具於大卜之官顧今不可復考則姑闕之而直據辭中之象以求象中之意使足以為訓戒而決吉凶其亦可矣固不必深求其象之所自來然亦不可直謂假設而

遽欲忘之也

卦變

漢軾曰、易有剛柔往來上下相易之說、而其最著者、賁之象傳也、凡易之所謂剛柔往來相易者、皆本諸乾坤也、乾施一陽於坤、以化其一陰、而生三子、凡三子之卦、有言剛來者、明此本坤也、而乾來化之、坤施一陰於乾、以化其一陽、而生三女、凡三女之卦、有言柔來者、明此本乾也、而坤來化之、

朱子曰、卦變蓋易中之一義、非畫卦作易之本旨也、如剛來柔進之類、是就卦已成後推說、非謂先有彼

卦而後方有此卦也

顧炎武曰卦變之說不始於孔子周公繫損之六三
已言之矣曰三人行則損一人一人行則得其友是
六子之變皆出於乾坤無所謂自復姤臨遯而來者

當從程傳

程氏王炎
皆同此說

江春齊先生曰文王之易以反對為次序否反為泰
三陰往居外三陽來居內故曰小往大來泰反為否
三陽往居外三陰來居內故曰大往小來象傳所謂
剛來柔來者本此需反為訟需之九五來為九二而
而得中也蠱反為隨蠱之上九來為隨之初九下於

二、三之柔也。初九為成卦之主。又辭謂之官官者主也。隨反為蠱。隨之初九上而為上九。隨之上六下而為初六也。陽剛者居上不任事。陰柔者居下為卦主。是以成蠱。賁反為噬嗑。賁之六二得中上行以為六五。亦得中也。噬嗑反為賁。噬嗑之六五來為六二。而文乎初與三之剛。噬嗑之初九上為上九。而文乎四與五之柔也。噬嗑與賁皆剛柔分之外卦。分剛者分其三之一之剛也。柔來文剛。柔居中而剛不過。故事分剛上而文柔。剛在上。僅令柔不過而已。故小利有攸往。復亨。剛反。此句亦以卦變為義。剝反為復。剝之上

九、反而為初九也。反亦來也。因卦為復故謂之反。大
畜反為无妄。大畜之上九自外卦來為初九而為主
於內卦也。外者反卦。大畜之外卦非本卦之外卦也。
諸家有謂无妄內卦之初九自外乾卦之初爻來。外
乾卦之初爻未嘗變動。何以此爻自彼爻來。耶。无妄
反為大畜。无妄之初九上為上九。而尚乎六五之賢
也。恒反為咸。恒之初六上而為上六。恒之九四下而
為九三也。咸反為恒。咸之九三上而為九四。咸之上
六下而為初六也。咸恒相反。二卦之辭亦正相反。以
此益知卦變取諸相反之卦。明夷反為晉。明夷之六

二進而上、行、為六五也。家人反為睽。家人之六二進而上、行、為六五也。解反為蹇。解之九二往而為九五也。蹇反為解。蹇之九三往而為九四。得五上二陰為衆。蹇之九五來為九二。而得中。外卦一陽得二陰即為得衆。不必坤而後為衆也。益反為損。以益之初九為上九。是為損下益上。其道自下而上行也。本義以此為卦體。今考之亦卦變也。損反為益。以損之上九為初九。是為損上益下。自上而下下也。損以上爻為主。益以初爻為主。觀爻辭可知。本義以此為卦體。今考之亦卦變也。萃反為升。萃之三陰爻升而為上卦。

也。上三陰爻雖同升，當以六五為主。下云剛中而應，謂九二應六五也。革反為陽，革之六二進而上行，為六五也。歸妹反為漸，歸妹之九二往而為九五，歸妹之六三往而為六四，皆為得位之正。下云其位剛得中也，則專以九五言之。諸家有謂自二至五四爻皆得正位者，然曰進曰往，皆指上卦之爻。二、三非所論也。即反為渙，節之九五來為九二，節之六三往為六四，得位乎外而上同於九五也。卦有反對，不可反者，八卦可反者，五十六卦。上下無以此為序，天道人事，皆以相易而相反，又以相反而復初，此易中一大義。

凡云往云上者皆自反卦之內卦轉入外卦云來云下云反者皆自反卦之外卦轉入內卦。名亦有翻轉取義者如復之下一陽從剝之上。一陽來反故謂之復。升之上三陰從萃之下三陰上升故謂之升。夫子於繫辭傳言之曰。上下無常。剛柔相易。不可為典。要。惟變所通。正謂此也。朱子本義以卦變言者十九卦。今推之。當有二十二卦。如此例。五十六卦皆可以此取義。然不必皆然者。所謂不可為典。要是也。宗時薛氏溫其於蹇解二卦云。諸卦皆指內為來。外為往。則此往得中謂五也。蹇解相循。履視蹇則為解。九二

得中則曰其來復吉。乃得中也。往者得中。中在外也。來復得中。中在內也。此說正得反卦取義之意。惜未徧推諸他卦。宋熙寧間。蜀人房審權易義海已收之。按李鼎祚集解。引蜀才虞翻荀爽諸人論卦變某卦本某卦者。近于穿鑿。而王弼孔穎達之說。又虛而無據。漢子瞻舉賁卦發其義。剛柔往來相易。皆本諸乾坤。伊川易傳同此說。朱子專主相比之兩爻相易。江先生主序卦之反對相易。然損之六三爻辭云。三人行則損一人。一人行則得其友。似指本卦上下體而賁之象傳。柔來而文剛。分剛上而文柔。指上下體則

分字尤明。主反對則不免費辭也。大致繫辭所得上
下無常。剛柔相易者。或兩卦反對。相易或卦之兩體。
上下相易。兼二說乃備。主上下兩體。王拱辰
會稽之。但引據未富。

互體

朱子曰。以二三四為一卦。又以三四五為一卦。又辭
取象。或以上下正體之卦。或以中間二互體之卦。春
秋左傳所載占筮。間取互體。漢魏以來。諸儒說象。每
取互體。蓋易中取象之一端。不可廢也。

又曰。王弼破互體。朱子發用互體。自左氏已言。亦有
道理。只是今推不合處多。

王應麟曰、京氏謂二至四為互體、三至五為約象、儀禮疏云、二至四、三至五、兩體交互各成一卦、先儒謂之互體、

胡炳文曰、本義謂雜卦傳自大過以下、或疑其錯簡、以韻協之、又似非誤、愚竊以為雜物撰德、非其中爻不備、此蓋指中四爻互體而言也、先天圖之左、互復、頤、既濟、家人、歸妹、睽、夬、乾、八、卦、右、互、姤、大、過、未、濟、解、漸、蹇、剝、坤、八、卦、此則於右取姤、大過、未濟、漸、四卦、於左取頤、既濟、歸妹、夬、四卦、各舉其半、可兼其餘矣、始於乾、終於夬、夬之一陰、夬、盡、則、為、乾、也、

顧炎武曰凡卦爻二至四三至五兩體交互各成一卦先儒謂之互體其說已見於左氏莊公二十二年陳侯筮遇觀之否曰風為天於土上山也注自二至四有艮象四爻故艮為山是也然夫子未嘗及之後人以雜物揆德之語當之非也其所論二與四三與五同功而異位特就兩爻相較言之初何嘗有互體之說

又曰晉書荀覲嘗難鍾會易無互體見稱於世其文不傳新安王炎晦叔嘗問張南軒曰伊川令學者先看王輔嗣胡翼之王介甫三家易何也南軒曰三家

不論互體故爾

又曰朱子本義不取互體之說惟大壯五六云卦體似兌有羊象焉不言互而言似之者合兩爻為一爻則似之也又謂順初九靈然此又初先儒所未有不如言互體矣大壯自三至五成兌之為羊故爻辭並言羊

按屯之六三即鹿无虞應劭風俗通義論林屬於山為麓引之虞翻云即就也艮為山山足稱鹿蓋以三四五成艮取互象凡言互卦類此若雜卦傳未簡以韻協之不誤而卦不反對先儒因以互體為之說則

大過之初二三成巽二三四成乾是為姤上初二成艮初二三本成巽是為漸五上初成震上初二成艮是為頤四五上本成兌五上六成震是為歸妹三四五成乾四五上本成兌是為夬此自大過已下之次第也別為互卦之一創又自二至五互之則復為乾矣其說至巧雜卦傳若信為孔子所作竊疑聖人之言不如是之巧也

宗儒復易古本

尤袤與吳仁傑書曰頃得呂東萊所定古易一編朱元晦為之跋嘗以板行乃與左右所刊呂汲公古經

無毫髮異而東萊不及微仲嘗編此書豈偶然同耶
董真卿曰呂氏周易古經上經第一下經第二上象
第三下象第四上象第五下象第六繫辭上第七繫
辭下第八文言第九說卦第十序卦第十一雜卦第
十二其所次序本末並與東萊定本同但東萊只分
上經下經而無第一第二字又東萊稱象上傳第一
至雜卦傳第十小有不同爾

洪常曰周易序次有古經今經之異程子因今經作
傳朱子因古經作本義後世以本義附於傳而一之
故今本義之序亦今經也奉化邑庠教諭成君矩謂

世之讀易者先本義而後傳乃獨刻本義傳於世
吳蕭公曰成化時教諭成矩始刊今易注從朱而書
則從弼襲名爲本義其寔非朱子之書

顧炎武曰洪武初頒五經天下儒學而易兼用程朱
二氏亦各自爲書永樂中修大全乃取朱子卷次割
裂附之程傳之後其凡例曰程傳本義既已並行而
諸家定本又各不同故今定從程傳元本而本義仍
以類從是也於是朱子所定之古文仍復混亂
朱彝尊曰程子易傳依王輔嗣本朱子本義用呂伯
恭本原不相同自克齋董氏合之移朱子本以就程

子之書明初兼用之取士其後學者多置程傳專主朱義於是姑蘓成矩叔度爲奉化教諭削去程傳乃不更正以從朱子之舊當新鐫時楊文懿守陳序之有云是編異朱子元本亦以便士也好事者何容喙哉文懿蓋心非之而不能奪也

按呂微仲考定古易在元豐五年晁以道呂伯恭之本俱出其後微仲伯恭所定與唐孔冲遠言鄭學之徒數十翼者合凡異此者可以此斷其未盡合乎古矣又按宋寶祐中克齋董楷正叔纂集周易傳義附錄紛亂朱子本義元本寔始于此

經考卷二

休寧戴震記

伏生所傳尚書二十八篇

虞夏書四篇、堯典、皋陶謨、禹貢、甘誓、商書五篇、湯誓、盤庚、高宗彤日、西伯戡耆、微子、周書十九篇、牧誓、洪範、金縢、大誥、康誥、酒誥、梓材、召誥、洛誥、多士、毋逸、君奭、多方、立政、顧命、彤誓、甫刑、文侯之命、秦誓。

孔臧曰：時人惟聞尚書二十八篇，取象二十八宿，謂為信然，不知其有百篇也。

沈嗣選曰：伏書以堯典、合彞典、皋陶謨、合益稷、盤庚、合一篇、康王之誥，合於顧命，皆不可易，欲合百篇之

數者乃強分之非也

今文尚書

史記儒林列傳伏生者

張晏曰伏生名勝伏氏碑云

濟南人也故

為秦博士孝文帝時欲求能治尚書者天下無有乃

伏字後

聞伏生能治欲召之是時伏生年九十餘老不能行

多訛伏

於是乃詔太常使掌故朝錯往受之秦時焚書伏生

壁藏之其後兵大起流亡漢定伏生求其書亡數十

篇獨得二十九篇即以教于齊魯之間學者由是頗

能言尚書諸山東大師無不涉尚書以教矣伏生教

濟南張生及歐陽生

漢書曰字和伯千乘人

歐陽生教千乘兒

寬兒寬既通尚書以文學應郡舉詣博士受業受業
孔安國以試第次補廷尉史是時張湯方鄉學以為
奏讞掾以古法議決疑大獄而愛幸寬及湯為御史
大夫以兒寬為掾薦之天子天子見問說之張生亦
為博士而伏生孫以治尚書微不能明也自此之後
魯周霸孔安國雒陽賈嘉頗能言尚書事

劉歆移書太常博士曰漢興至孝文皇帝始使掌故
朝錯從俠生受尚書尚書初出于屋壁朽折散絕今
其書見在時師傳讀而已秦^得誓後博士集而讀之

漢書藝文志經二十九卷大小夏侯二家歐陽經三十一卷師古曰此二十九

卷伏生秦燔書禁學濟南伏生獨壁藏之漢興亡失
傳授者秦燔書禁學濟南伏生獨壁藏之漢興亡失
求得二十九篇以教齊魯之間訖孝宣世有歐陽太
小夏侯氏立於學官

漢書儒林傳歐陽生字和伯千乘人也事伏生授倪
寬寬又受業孔安國至御史大夫歐陽大小夏侯氏
業皆出於寬：授歐陽生子世世相傳由是尚書世
有歐陽氏學夏侯勝其先夏侯都尉從濟南張生受
尚書呂傳族子始昌始昌傳勝：又事同郡簡鄉簡
卿者兒寬門人勝傳從兄子建：又事歐陽高勝至
長信少府建太子太傳由是尚書有大小夏侯之學

王充曰尚書本百篇遭秦用李斯之議燔燒五經濟
南伏生抱百篇藏於山中孝景皇帝時始存尚書伏
生已出山中景帝遣晁錯往從受尚書二十八篇伏
生老死書殘不竟晁錯傳於倪寬至孝宣皇帝之時
河內女子發老屋得逸易禮尚書各一篇奏之宣帝
下示博士然後易禮尚書各益一篇而尚書二十九
篇始定矣

孔穎達曰今文尚書劉向五行傳蔡邕勒石經皆其
本

又曰秦誓非初伏生所得案馬融云秦誓後得鄭玄

書論亦云、民間得泰誓、別錄曰、武帝末、民有得泰誓、書於壁內者、獻之、與博士使讀、說之、數月皆起、傳以教人、則泰誓非伏生所傳、而言二十九篇者、以司馬遷在武帝之世、見泰誓出、而得行入於伏生所傳內、故為史總之、并云、伏生所出、不復曲別、分析云、民間所得、其寔得時、不與伏生所傳同也、但伏生雖無此一篇、而書傳有八百諸侯俱至孟津、白誓入舟之事、與泰誓事同、不知為伏生先為此說、不知為是泰誓出後、後人加增此語、案王充論衡、及後漢史、獻帝建安十四年、黃門侍郎房宏等說云、宣帝本始元年、河

內女子有壞老屋得古文秦誓三篇論衡又云以掘
地所得者今史漢書皆云伏生傳二十九篇則司馬
遷時已得秦誓以并歸於伏生不得云宣帝時始出
也

又曰二十九篇自是計卷若計篇則三十四去秦誓
猶有三十一

顏師古曰衛宏定古文尚書序云伏生老不能正言
言不可曉也使其女傳言教錯齊人語多與潁川異
錯所不知者凡十二三略以其意屬讀而已

朱子曰按漢儒以伏生之書為今文而謂安國之書

爲古文以今考之則今文多艱澁而古文反平易或者以爲今文自伏生女子口授最錯時失之則先秦古書所引之文皆已如此恐其未必然也或者以爲記錄之定語難工而潤色之雅詞易好故訓詁誓命有難易之不同此爲近之然伏生背文暗誦乃偏得其所難而安國考定於科斗古書錯亂磨滅之餘反專得其所易則又有不可曉者

馮班曰藝文志秦燔書禁學伏生獨壁藏之漢興求得二十九篇以教齊魯之間云壁藏而求之得二十九篇是伏生自有本不假口傳明矣儒林傳伏生教濟

南張生及歐陽生、歐陽生于乘人事、伏生、夏侯都尉
從濟南張生受尚書、以傳族子始昌、始昌傳勝、勝傳
從兄子建、則是歐陽夏侯二家、漢人列於學官者、自
是伏生親傳、非鼂錯所受之本、明矣、又伏生有孫以
治尚書徵、伏生有孫則應有子、何令女傳言、若其子
幼不能傳書、則伏生年已九十餘、安得有幼子乎、且
其女能傳言、亦應通文字、何至鼂錯不能得者、且十
二三、乃以意屬讀之耶、某曾身至濟南潁州、其語音
絕不相遠、雖古今或異、大略亦可知、何至語言不相
通耶、

閻若璩曰史記儒林傳叙伏生今文末云自此之後
魯周霸孔安國雒陽賈嘉頗能言尚書事此指安國
通今文下另叙孔氏有古文起自安國班固於周霸
三人有去孔安國專歸古文甚失遷之意

朱彞尊曰按今文尚書伏生所授止二十八篇故漢
儒以擬二十八宿然史記漢書俱稱伏生以二十九
篇教於齊魯之間司馬氏班氏古之良史不應以非
生所授之泰誓雜之其中也故王肅云太誓近得非
其本經竊疑生所教二十九篇其一篇乃百篇之序
故馬鄭因之亦總為一卷惟綠藝文志云經二十九

卷後儒遂以泰誓篇混入爾。

又曰按古者書序自為一篇列於後故陸德明稱馬鄭之徒百篇之序總為一卷至孔氏傳出始引小序分冠各篇之首後人習而不察遂謂伏生今文無序序與孔氏序傳並出不知別錄暨馬鄭傳訓皆有之矣予故疑二十九篇其一是序也。

按伏生之書初出屋壁并民間得大誓共二十九篇武帝時博士合以教授用當時隸書寫之故稱為今文而孔壁所得者即許氏說文解字叙所云六體書一日古文孔子壁中書者是也蓋如商周鼎彝之書。

非科斗書偽作孔安國書序者云濟南伏生年過九十失其本經口以傳授此襲東漢衛宏使女傳言教錯之說儒者未深考不知伏生所傳二十八篇史記漢書皆云伏生壁藏之漢興即以教齊魯之間非徒得之記憶亦無使女子傳言事伏生書無大誓而史乃言二十九篇必是時已於伏生所傳二十八篇益以大誓共為博士之業故大小夏侯各二十九卷以大誓為武帝末始得或云宣帝初並相傳失寔也朱彛尊疑二十九篇其一篇為百篇之序使伏生書已有是序則伏生傳授時已知有百篇何以孔臧乃云

時人惟聞尚書二十八篇取象二十八宿不知其有百篇耶

又按晉書衛恒傳魯恭王壞孔子宅得尚書春秋論語孝經時人以不復知有古文謂之科斗書魏初傳古文者出於邯鄲淳至正始中立三字石經轉失淳法因科斗之名遂效其形由其言觀之壁中書乃古文非科斗書凡漢魏晉間人所稱得科斗文字本皆古文因時人不知而謂之科斗書耳邯鄲淳傳古文書法非寫科斗書失其法者聞科斗之名遂效其形此效科斗形為之轉失古文法也

虞夏同科

孔穎達曰、案馬融鄭玄、王肅別錄題皆曰虞夏書、以虞夏同科、雖虞事亦連夏、鄭序以爲虞夏書二十篇、商書四十篇、周書四十篇、贊云、三科之條、五家之教、是虞夏同科也、揚子法言亦曰、虞夏之書渾、爾商書灝、爾周書噩、爾則可證、西漢時未有別虞夏書而爲二者、杜元凱左傳注、僖公二十七年引夏書賦、納以言明、試以功三句、注曰、尚書虞夏書也、則可證、西晉時未有別虞書夏書而爲二者、逮東晉梅氏書出、然後書題卷數篇名盡亂其舊矣、

帝王名號

顧炎武曰、堯舜禹皆名也、古未有號、故帝王皆以名

紀、臨文不諱也。胡文足修春秋、制子臣聞古者不以

堯舜者、國二帝之名、而堯典稱有鯀在下曰虞舜、則

史官所作、直載其君之名、而不避也。格汝舜、格汝禹、名其臣也、堯崩之後、舜與其臣言、則

曰帝、禹崩之後、五子之歌、則曰皇祖、眉征則曰先王、

無言堯舜禹者、不敢名其君也、自啟至發、皆名也、夏

后氏之季、而始有以十干為號者、桀之癸、商之報、丁

報、乙報、丙主壬主癸、皆號以代其名。白虎通曰、殷實

自天乙至桀皆號也。太甲沃丁仲丁河重甲祖乙盤庚皆以為書為之名、惟其號也。

商之王者號不著名而名之見於經者二。天乙之名履辛之名受是也。武庚亦是號曰湯曰紂則亦號也。孔氏西伯載黎序號則臣子所得而稱故伊尹曰惟傳受紂也音相亂尹躬暨湯頌曰武湯曰成湯曰湯孫也。微子之命言士言爾先祖成湯曰文祖曰藝祖曰神宗曰皇祖曰皆對其臣子稱之烈祖曰高祖曰高后曰中宗曰高宗而廟號起矣曰成王曰武王而謚立矣曰大舜曰神禹曰大禹曰成湯曰寧王而稱號繁矣。自夏以前純乎質故帝王有名而無號。自商以下浸乎文故有名有號而德之盛者有謚以美之。於是周公因而制謚。自天子達於卿

大夫、美惡皆有謚，而十干之號不立。史記：齊太公世

丁公、子山、公山、公子癸、公猶、用商人之稱。陸淳曰：史記世本屬王以前諸侯有謚者少，其後乃皆有謚。

然王季以上不追謚，猶用商人之禮焉。此文質之中。

而臣子之義也。嗚呼！此其所以為聖人也。與。

胡渭曰：按周禮外史達書名於四方。鄭康成注云：書

名，充舜禹貢之類。夫書名達於天下，常為人所稱道。

而顧以君名著，何也？蓋記當時之言動，君不可與

臣俱名，故名臣而稱其君曰帝。篇中稱名者，唯發書

名則垂諸簡策，以詔來世。與敘述之文不同，故二曲。

謨貢不嫌以名著也。或曰：史遷云：舜名重華，禹名文

命由此推之。則放勳亦名也。孟子再稱放勳。屈原三稱重華。堯舜禹豈有二名哉。曰放勳。重華。文命。皆號也。而亦可謂之名。閻百詩曰。名者號也。言舜號曰重華。禹號曰文命。云爾。孔疏云。人有號謚之名。余謂名曰重。華。名曰文。命。此生號之名也。孟子名之曰幽厲。此死謚之名也。皆得謂之名。然則典貢之上。曷不繫以號。曰。上古淳樸。無嫌於名。故不必以號著也。商則稍有所嫌矣。湯號也。亦曰成湯。武湯與放勳。重華。文命同。其名曰履。論語云。予小子履是也。避名著號。故書有湯征湯誓。湯誥。商人以十干為號。自上甲微始。

魯語展禽曰、上甲微、能帥契者也、商人報焉、上甲者
十干之號、微其名也、湯號天乙、而更有美號、故以湯
著、後王無他美號、則亦以十干之號著、而不名、故書
有太甲、沃丁、仲丁、河亶甲、祖乙、盤庚、又有廟號太甲
為太宗、太戊為中宗、武丁為高宗、故書有高宗形曰、
高宗之訓、太甲三篇、及身而作、史亦不追改也、高宗二篇
據殷本紀為箕子祖庚時作、故稱周人以諱事神、死
廟號、序以為祖己、訓高宗、誤也、則制為謚、以易其名、故書有康王之誥、以謚著焉、文
之命、臣亦稱謚、據左傳成王命魯公以伯禽、命唐叔
以康誥、伯禽唐誥、皆謚命為名也、文侯之命、初亦當
類此、其以謚著孔子曰、虞夏之文、不勝其質、殷周之
者、蓋史所追改、質、不勝其文、即書之所以名篇、亦可得其梗槩矣、

堯典中星

當作胃末

當作玄武

日中。日永。宵中。日短。此終古不變者也。星鳥。星火。星
虛。星昴。此列星之舉。日可見。千百年乃覺其大。差隨
時。為書以示民者也。如夏小正二者相為經緯。夏小
月全之屬。正。三月參則伏。伏也者。日所在不可見也。三月日在
參。參殺兩則二月在昴。春分時昴初正。月在奎。奎末委初
時。奎。婁。降婁也。昴。大梁也。參。寔沈也。大梁西沒。必大火
東陞。鶉火值南。左枵處北。四正之位。各協其方。東方
七宿。青星。大。大。析木之津。北方。主。成。七宿。星紀。主。枵
娥。營之口。西方。白虎。七宿。降。婁。大梁。寔沈。南方。朱鳥。

七宿。鶉首、鶉火、鶉尾。然則列星四象辨自羲和仲春
四正協餘莫不協矣初昏二十有八舍不達天部也。夏小正四月初昏南

門正。南門兩大星橫亢下。壽星次也。南門正則壽星
值南矣。五月壽星逝而西。大火值南。故書曰：日永星

火。以正仲夏。夏小正曰：五月初昏大火中。大火南。鶉

火必淪西。蓋五月日在七星。夏至而四月在東井。小

時六月在翼。大暑東井鶉首也。七星鶉火也。翼鶉尾

也。夏小正八月辰則伏辰也者。心也。伏也者。日所在

也。八月日在心。秋分在氐末房則七月在角。處暑九

月。在箕。霜降角壽星也。心大火也。箕斗之間為漢津。

析木之津也。太火西沒則玄枵值南。故虛中七月初
昏。壽星西沒。降娄東陞。故夏小正曰七月初昏織女
正東嚮。織女恒嚮降娄也。十月星紀東陞而旦。降娄
處北。故夏小正曰十月織女正北嚮。則旦。蓋十月日
在斗。時小雪十有一月。在虛。時冬至十有二月。在營室。時大
時斗星紀也。虛玄枵也。營室東壁連體四方。佻口。姬
訾之口也。玄枵西沒。則大梁值南。故昴中說者或謂
斗牽牛為列星之紀首。故曰星紀。考周初冬至日在
牽牛。至周末則在斗。皆星紀之次。由是觀之。日月之
行。起於斗牽牛。特周之星象。古籍存者。惟夏小正與

堯典合周初列星東移已及一次。今更移一次矣。虞夏冬至日月之行起于枹正中。今起析木之津正中。皆非星紀序首也。十二次之名必周時始定。堯典曰鳥謂之曰大。謂曰虛曰昂。據當時所有之名言之。先儒謂或舉一象或舉一宿。未然也。猶之古但有分至啟閉。後人遂定為二十四氣。而或存古名。或立新名。事正相類。凡列星東移。晉宋已來謂之歲差。以日星每歲相校而差非天行有差也。大致二千一百年差一次。據乎堯典星象為首二萬五千餘年。乃復此象。虞夏第一紀。周第二紀。今第三紀云。

在璿璣玉衡以齊七政

古測天之器其製不傳後世渾天儀設璣衡以擬其
名未有能寔得古製者也楊雄法言或人問渾天於
雄雄曰洛下閎營之鮮于妄人度之耿中丞象之幾
幾乎莫之達也渾天之學得此三人者創始為之器
而蓋天宣夜二家莫之能述遂失其傳為渾天者依
放古名釋帝典者援據漢製故似同而異似是而非
考諸周髀有北極樞又曰正北極及北極璿璣之名有七
衡六間冬至日當外衡夏至當內衡春秋分當中衡
之規灋所謂北極樞者今之赤道極也亦曰赤極隋書天文志所

云不即魯論爾雅之北辰所謂北極璿璣者今之黃

道極也亦曰黃極吳太常姚信所天論釋周髀凡數

家未解北極璿璣何指蓋其名出於古遠世所莫聞

因思虞夏書之璿璣注徒以為可旋轉曰璣不得其

本象夫在天有赤道極為左旋之極又有黃道極為

右旋之極自中土言之皆在北方故通曰北極赤道

極不動黃道極每晝夜左旋環繞之而過一度古度

每一歲而周四游冬至在半夜北游所極春分夜半東

夜半西是赤道極者又為黃道極之極也惟其然故

周髀謂赤道極曰北極極而黃道極無其名乃取諸

測器之名以命之用是知曆虞時設璣動運於中
 以擬夫黃道極者也。衡橫也。橫帶中國以界黃道。古
 有分至啟閉謂之八節。分者春分秋分至者冬至夏
 立準以設衡其五衡與外衡內衡發欽所極至也。外
 日發南所極冬至內衡南北之中是為赤道分也。
 衡日欽北所極夏至中衡南北之中是為赤道分也。
 自外入欽北入次四衡為春。
 自內出外交於赤道秋分自南欽北入次四衡為春。
 入次二衡為夏當其衡啟也。自北發南出次二衡為
 秋出次四衡為冬當其衡閉也。周髀之七衡則準乎
 中氣十有二其衡之名暨其規法由來遠矣。日月五
 星謂之七政。出鄭康成注。為孔傳同。乃魏晉間人後儒

悉從之。伏生尚書大傳則曰：七政謂春夏秋冬夏天文地理人道，所以為政也。人道正而萬事順成。司馬子長作天官書，馬季長注尚書，又以為北斗七星三說參差，惟鄭近是。然稽之於古，實無明證。堯典歷象日月星辰，星謂中星，初不及五緯。洪範五紀所云星辰同於堯典。孔穎達曰：五星所行，不民不以為候。其說得之。五星至後代，歷家推測漸詳。唐虞時恐未及此，即推之不失，亦非定四時成歲攸聞，何以與日月並稱。七政乎？帝王之道，莫大乎敬天勤民。天事速不必盡知，無傷於大智。如日月食，五星掩犯，聖人但懼而

修警不求預知也。此其意深其務切其道大其智遠。惟日月運行寒暑物候因之而變遷必察之治歷準。以出政與之不違教天勤民重人事也。然則政之為言據人事非據天事。先命羲和終之曰廢績成熙。畢陶謨曰撫于五辰廢績其疑廢績之熙也。疑也由政之得宜而政之耳。由順天歲月五辰而七凡所以順天出政不外乎是。禮運亦言播五行於四時天下事物統以五行則無或遺序以四時則歸於順二者通而一也。推日月之運循五行之序於是有歲之政焉。分至啟閉是也。如祭祀大典禮及有月之政焉。正朔登臺書雲物之屬。

難失後
一土寄

告月是也。

聽朔朝廟之屬

有木火金水五者之政焉。法制集

全宜於時而布其事是也。分言之其政有七。約言之

敬授民時而已。五行所屬何者。不舉而歲月有政。聖

人所以奉天時。謹其節也。歷法久則必差。非天變動

亦非法之當改。渾圓至大數所難窮。譬猶寸。繫之

至尺則差。銖。計之至兩則差。故設器觀象與法相

濟。使差數未覩者仍之。差數既覩者修正之。舜攝位

之初。而言在璿璣玉衡以齊七政。斯以見政無弗順

天在璿璣玉衡者。審驗天行也。以齊七政者。齊人事

合天也。庶績熙疑之本也。至若五星之行。無關授時

之大在歷家積驗知之豈所急哉

洪範五紀

協用五紀者上協乎天行以下協人事故曰協分至
啟閉紀於歲者也○以日躔發數為本○朔望弦晦紀於
月者也○以晝夜刻漏出入里差為本○昏旦中星日躔
月遠所在紀於星辰者也○以周分十有二次及列宿
之距為本○盈縮遲疾進退消長之微紀於歷數者也○
以隨時測驗積微至著修正不失為本○洪範所陳殷

歷之大綱與

康誥酒誥

閻若璩曰。武王往三十一日。回亦三十一日。共六十
二日。仍餘五十七日。在商。案記未及下車而封黃帝
之後於蓟。封帝舜之後於祝。封帝舜之後於陳。下車
而封夏后氏之後於杞。授殷之後於宋。正論語興滅
國繼絕世者。蓋或有子孫而無爵土。或有爵土而無
子孫。武王須求訪其後。以來擇地以封之。此豈旬日
可了。孟子滅國者五十。與紂共為亂政者五十國。須
及商遣兵四出翦滅。以遂救民取殘之志。亦豈旬日
可了。故五十七日。人以為久。吾以為速。仁山前編繫
封康叔于殷東。於是歲三月內。曰康誥云在茲東土。

酒誥云肇國在西土。又云我西土。桀徂。則此時武王似未來自商已前也。蓋武王克商。苗處三月而後反。封康叔。意此時與最合。則康誥酒誥兩篇。並作于在商日。

逸書十六篇

虞夏書七篇。舜典。汨作。九共。大禹謨。皋稷。五子之歌。胤征。商書六篇。典。寶。湯誥。咸。有一德。伊訓。肆命。原命。周書三篇。武成。旅獒。同命。

史記儒林列傳。孔氏有古文尚書。而安國以今文讀之。因以起其家。逸書得十餘篇。蓋尚書漸多於是矣。

劉歆移書太常博士曰漢興至孝文皇帝始使掌故
朝錯從伏生受尚書尚書初出于屋壁朽折散絕今
其書見在時師傳讀而已詩始萌芽天下衆書往々
頗出皆諸子傳說猶廣立於學官爲置博士在漢朝
之儒唯賈生而已至孝武皇帝然後鄒魯梁趙頗有
詩禮春秋先師皆起於建元之間當此之時一人不
能獨盡其經或爲雅或爲頌相合而成秦誓後得博
士集而讀之故詔書稱曰禮壞樂崩書缺簡脫朕甚
閔焉時漢興已七八十年離於全經固已遠矣及魯
恭王壞孔子宅欲以爲宮而得古文於壞壁之中逸

禮有三十九書十六篇。天漢之後，孔安國獻之，遭巫
蠱倉卒之難，未及施行。及春秋左氏立明所修，皆古
文舊書，多者二十餘通，藏於祕府，伏而未發。孝成皇
帝，閱學殘文，缺稍離其真，乃陳發祕藏，校理舊文，得
此三事，以考學官所傳經或脫簡，傳或間篇，傳問民
間，則有魯國桓公、趙國貫公、膠東庸生之遺學。與此
同，却而未施，此乃有識者之所惜，閎士君子之所嗟
痛也。

漢書藝文志：古文尚書者，出孔子壁中。師古曰：家語
云：孔子得堂壁中
裏畏秦法峻急，藏尚書孝經論語於夫子舊堂壁中。
而漢記尹敬傳云：孔鮒所藏二說不用，未知孰是。

武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王往入其宅聞琴瑟鍾磬之音於是懼乃止不壞孔安國者孔子後也悉得其書以考二十九篇得多十六篇安國獻之遭仄疊事未列于學官

漢書儒林傳安國為諫大夫授都尉朝

服虔曰朝名都尉姓

而

司馬遷亦從安國問故遷書載堯典禹貢洪範微子

金縢諸篇多古文說都尉朝授膠東庸生庸生授清

河胡常少子

師古曰女子亦常字也

常授號徐敷敷為右扶風

掾授王璜平陵董仲子真子真授河南桑欽君長

荀悅漢紀、魯恭王壞孔子宅、得古文尚書多十六篇、武帝時孔安國家獻之、會正、蓋事未列於學官、

馬融曰、逸十六篇、絕無師說、

孔穎達曰、鄭注書序、舜典一、汨作二、九共九篇、十一、大禹謨十二、益稷十三、五子之歌十四、禹征十五、湯誥十六、咸有一德十七、典寶十八、伊訓十九、肆命二十、原命二十一、武成二十二、旅獒二十三、周命二十四、以此二十四為十六卷、以九共九篇共卷、除八篇、故為十六、故藝文志、劉向別錄云、五十八篇、藝文志又云、孔安國者、孔子後也、悉得其書、以古文又多十

六篇、即卷也。

按古文尚書增多之十六篇、不立學官、故當時只謂之逸書、如禮古經之二十九篇、當時只謂之逸禮、皆以不立于學官為逸、逸、非亡之謂也、所以不立於學官者、則由博士不治、故秦誓後得、博士集而讀之、遂增入今文二十八篇、為二十九、劉歆欲建立左氏春秋及毛詩、逸禮、古文尚書、列於學官、而諸博士不肯置對、遂未得立。

中古文

漢書藝文志尚書古文經四十六卷、為五十七篇、劉

向以中古文校歐陽大小夏侯三家經文。酒誥脫簡一。召誥脫簡二。平簡二十五字者。脫亦二十五字。簡二十二字者。脫亦二十二字。文字異者七百有餘。脫字數十。楚元王傳。歆欲建立左氏春秋及毛詩。逸禮古文尚書。皆列於學官。哀帝令歆與五經博士講論其義。諸博士或不肯置對。

後漢書章帝紀。建初八年。詔曰。五經剖判。去聖彌遠。章句遺辭。乖疑難正。恐先師微言。將遽廢絕。非所以重稽古。求道真也。其令群儒選高才生。受學左氏穀梁春秋古文尚書毛詩。以扶微學。廣異義焉。

安帝紀、延光二年、詔選三署郎及吏人、能通古文尚書、毛詩、穀梁春秋、各一人、

靈帝紀、光和三年六月、詔公卿舉能通尚書、毛詩、左氏、穀梁春秋、各一人、悉除議郎、

儒林傳、建初中、大會諸儒於白虎觀、考詳同異、連月乃罷、肅宗親臨稱制、如石渠故事、顧命史臣著為通義、又詔高才生受古文尚書、毛詩、穀梁、左氏春秋、雖不立學官、然皆擢高第、為講郎、給事近署、所以網羅遺逸、博存衆家、尹敏初習歐陽尚書、後受古文、兼善毛詩、穀梁、左氏春秋、周防師事徐州刺史蓋豫、受古

文尚書經明舉孝廉拜郎中撰尚書雜記三十二篇四十萬言太尉張愈荐補博士孔僖字仲和魯國魯人也自安國以下世傳古文尚書毛詩扶風杜林傳古文尚書林同郡賈逵爲之作訓馬融作傳鄭玄注解由是古文尚書遂顯于世

杜林傳河南鄭興東海衛宏等皆長於古學興嘗師事劉歆林既過之頽然言曰林得興等固諧矣使宏得林且有以益之及宏見林聞然而服濟南徐巡始師事宏後皆更受林學林前於西州得漆書古文尚書一卷常寶愛之雖遭艱困握持不離身出以示宏

等曰林流離兵亂常恐斯經將絕何意東海衛子濟南徐生復能傳之是道竟不墜於地也古文雖不合時務然願諸生無博所學宏巡益重之於是古文遂行賈逵傳逵數為帝言古文尚書與經傳爾雅詁訓相應詔令撰歐陽大小夏侯尚書古文同異逵集為三卷帝善之

鄭玄傳從東郡張恭祖受周官禮記左氏春秋韓詩古文尚書

隋書經籍志後漢扶風杜林傳文尚書同郡賈逵為之作訓馬融作傳鄭玄亦為之法然其所傳唯二十

九篇又雜以今文非孔舊本自餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡

孔穎達曰案伏生所傳三十四篇者謂之今文則夏侯勝夏侯建歐陽和伯等三家所傳及後漢末蔡邕所勅石經是也孔所傳者膠東庸生劉歆賈逵馬融等所傳是也鄭玄書贊云我先師棘子下生安國亦好此學衛賈馬二三君子之業則雅才好博既宣之矣又云歐陽失其本義今疾此蔽冒猶後疑惑未悛是鄭意師祖孔學傳授膠東庸生劉歆賈逵馬融等

學而賤夏侯陽業

間若璩曰嘗疑鄭康成卒於獻帝時距東晉元帝尚百餘年古文尚書十六篇之亡當即亡於此百年中後讀隋書經籍志晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳惟劉向父子所著五行傳是其本法而又多乖戾予然後知古文尚書自康成注後傳習者已希而往秘府有其文亦猶西漢時安國止傳其業於都尉朝司馬遷數人而中書之古文因具在也

又曰、當安國之初傳壁書也、原未有大序與傳、馬融
尚書序所謂逸十六篇、絕無師說是、及漢室中興、衛
宏著訓、旨於前、賈逵撰古文同異於後、馬融作傳、鄭
氏作注、而孔氏一家之學、粲然矣、不意鄭氏而後、寢
以微滅、雖博極羣書、如王肅、孫炎輩、稽其撰著、竝無
古文尚書、豈其時已錮於秘府、而不復流傳耶、何未
之及也、然果秘府有其書、猶得流傳於人間、惟不幸
而永嘉喪亂、經籍道消、凡歐陽大小夏侯學號為經
師、遞相講授者、已掃地無餘、又何况秘府所藏區區
簡冊耶、故古文尚書之亡、寔亡於永嘉。

又曰牛弘歷陳古今書籍之厄以劉石雋陵京華覆滅為書之四厄及予徵之兩晉益合秘書監荀勗錄當代所藏書目凡二萬九千九百餘卷名中經簿今不復傳隋唐時尚存故經籍志云晉祕府存有古文尚書經文是也元帝之初漸更鳩聚著作郎李充以最舊簿校之才十之一耳古文尚書之亡非亡於永嘉而何哉

又曰、鄭所注古文篇數、上與馬融合、又上與賈逵合、又上與劉歆合、歆嘗校秘書、得古文十六篇、傳問民間、則有安國之再傳弟子膠東庸生者、學與此同、逵

父徽寔為安國之六傳弟子。達受父業，數為帝言古文。尚書與經傳爾雅詁訓相應，故古文遂行。此皆載在史冊，確然可信者也。孔穎達不信漢儒授受之古文，而信晚晉突出之古文，且以舜典汨作九共二十四篇為張霸之徒所偽造，不知張霸之徒所偽造乃百兩篇，在當時固未嘗售，其欺也。百兩篇不見於藝文志，而止附于儒林傳，云文意淺陋，篇或數簡，帝以中書校之，非是。霸辭受父，父有弟子樊並，詔存其書。後樊並謀反，誅之。曾謂馬融、鄭康成諸大儒而信此等偽書哉。

又曰安國古文之學其傳有四一傳於都尉朝：傳
庸譚：傳胡常：傳徐敖：傳王璜望惲：傳桑欽。
王莽時立於學官璜惲皆貴顯惲又傳賈徽：傳子
達：數為肅宗言古文尚書詔選高才生從達學由
是古文遂行一傳於兒寬按史記漢書儒林傳似孔
文尚書而通之其為博士時自當授弟子以今文所
謂蓋孫利之路然也至別有好事古之士如馬遷都尉
朝方從安國問古文所謂古文順不合時務是也兒
寬初事歐陽生治尚書以文學應郡舉諸博士受業
受業孔安國以試第次補廷尉史此非經學既明而
得祿之驗乎本不當繫寬於安國古文之下但近代
有漢儒授經圖於歐陽生今文及安國古文一傳於
下俱各繫以兒寬余偶因之未暇改正云
其家孔僖傳所謂自安國已下世傳古文尚書是也

一傳於司馬遷：書所載多古文說是也。東漢杜林於西州得漆書古文尚書一卷，林同郡賈逵為之作訓，馬融作傳，康成注解。古文之說大脩，康成雖云受之張恭祖，然其書贊曰：我先師棘子下生安國，亦好此學，則其淵源於安國明矣。

又曰：鄭康成書贊曰：我先師棘子下生安國，亦好此學。見孔穎達疏。先師棘子，字頗不可解。徧檢南北監本及近刻，常熟毛氏本俱然。水經注、淄水引鄭志曰：張逸問贊云：我先師棘子下生何時人？鄭康成答云：齊田氏時善學者所會處。齊人號之棘子下生，無常人也。

隱十一年公羊傳子沈子曰注云沈子稱子冠氏上者著其為師也不冠以子者他師也康成自以淵源於安國故冠子於安國之上其不曰子孔子者又所以別於孔子也

朱彛尊曰按古文出於孔壁未得列於學官惟孔安國為博士以授都尉朝於時司馬遷亦從安國問故班固謂遷書載堯典禹貢洪範微子金縢諸篇多古文說攷諸史記於五帝本紀載堯典舜典文於夏本紀載禹貢皋陶謨益稷甘誓文於殷本紀載湯誓高宗彤日西伯戡黎文於周本紀載牧誓南刑文於魯

周公世家載金縢無逸費誓文於燕召公世家載君
爽文於宋微子世家載微子洪範文凡此皆從安國
問故而傳之者乃孔壁之真古文也

又曰按魯壁古文安國難以授都尉朝倪寬司馬遷
當時頒行學官者伏生二十八篇疑安國所授亦止
於此遷史本紀世家所載諸篇是已若增多之書未
奉詔旨立博士設弟子安國不敢私授故自膠東庸
生以下至於桑欽其師傳歷々可數中如胡常塗惲
東漢之初頗有習其業者然所授殆亦止二十八篇
而已

又曰北海鄭氏注解古文本扶風杜氏漆書初非安國壁中書也唐孔氏正義引康成書贊云我先師棘下生安國亦好此學衛賈馬二三君子之業則雅才好博既宣之矣故衛賈馬三君皆治漆書非膠東庸生所傳本

又曰或出於蓋豫或本於杜林要非安國之書也按孔氏古文尚書劉歆班固皆言安國獻之而遭巫蠱事未及施行是第獻其書而已初無安國作傳之事也其書既獻藏於秘府藝文志所謂中古文儒林傳所謂中書者是也劉向劉歆班固賈逵校理秘書

皆得見之。而馬融書序云：逸十六篇，絕無師說。融蓋
曾見孔氏古文逸篇，但未聞有為逸篇解說者。故云
爾。鄭康成云：武成逸書，建武之際亡。則武成而外固
見存矣。隋志言：賈馬鄭所傳，惟二十九篇。說者謂雖
全見古文，而只解其今文。所有立於學官者，逸篇未
立於學官，則不之解，似為近之。朱彞尊乃以蓋寬杜
林之書為非孔氏古文。然則東漢諸儒顧舍見存之
中古文，而別求一書以當之，豈昧若是耶？今人知
東晉始出之古文為偽書，而不知安國所獻秘府所
藏劉向、劉歆、班固、賈逵所見及馬鄭所指之逸篇，乃

別一真古文尚書也。惟閻百詩尚書古文跋證辨論最分明。

逸書舜典棄稷

閻百詩曰：古文舜典別自有一篇，與今安國書析堯典而為二者，不同。故孟子引二十有八載放勳，乃祖落為堯典，不為舜典。史記載慎徽五典，至四罪而天下咸服於堯，本紀不於舜本紀。

又曰：益稷據書序，原名棄稷。馬鄭王三家本皆然。蓋別為逸書中，多載后稷之言，或契之言，是以楊子雲親見之，著法言孝至篇，或問忠言嘉謨曰：言合稷契。

之謂忠、謀、合。韋陶之謂嘉不然。如今之虞書五篇。韋陶矢謨固多矣。而稷與契曾無一語一言流傳於代。子雲豈鑒定者邪。胡輕立此論。蓋當子雲時。酒誥偶亡。故謂酒誥之篇。俄空焉。今亡夫。賴劉向以中古文校。今篇籍俱存。當子雲時。稷、稷見存。故謂言合稷、契之謂忠。

按舜典。稷在逸書十六篇之數。孔冲遠言鄭於伏生二十九篇內分出盤庚二篇。康王之誥。又大誓三篇。為三十四則。舜典。稷二篇。非分出者。明矣。

問若璩曰、司馬遷親從安國問古文、故撰殷本紀曰、
既紂夏命、還亳、作湯誥、維三月、王自至於東郊、告諸
侯、羣后、母不有功于民、勤力乃事、予乃大罰殛女、母
予怨曰、古禹、皋、陶、久勞于外、其有功于民、民乃有安、
東為江、北為濟、西為河、南為淮、四瀆已修、萬民乃有
居、后稷降播、農殖百穀、三公咸有功于民、故后有立、
昔蚩尤與其大夫作亂百姓、帝乃弗予、有狀、先王言
不可不勉、曰不道、母之在國、女母我怨、凡一百二十
六字、女無我怨下、有以令諸侯四字、詳其語意、殆為
論功、定罪、誥戒諸侯而作、初不必追述其告天伐桀

之事也。蓋作誓者一時作，誥者又一時也。

逸書武成

漢書律歷志周書武成篇惟一月壬辰旁死霸若翌日癸巳武王乃朝步自周于征伐紂序曰戊午師度于孟津至庚申二月朔日也四月癸亥至牧野夜陳甲子昧爽而合矣故外傳曰王以二月癸亥夜陳武成篇曰專若來三月既死霸專五日甲子咸劉商王紂是歲也閏數餘十八正大寒中在周二月己丑晦明日閏月庚寅朔三月二日庚申驚蟄四月己丑朔死霸死霸朔也生霸望也是月甲辰望乙巳旁之故

武成篇曰惟旁生鬻粁六日庚戌武王燎于周廟翌日辛亥祀于天位粁五日乙卯乃以廢國祀載于周廟

鄭康成曰武成逸書建武之際亡

朱子曰伏生今文尚書無武成獨孔氏古文尚書乃有此篇今顏氏注劉歆所引見其與古文不同遂皆以為今文尚書不知何所考也

閻若璩曰古文武成篇建武之際亡當建武以前劉向劉歆父子校理祕書其篇固具在也故劉向著別錄云尚書五十八篇班固志藝文尚書五十七篇則可見矣

又曰、朱子嘗疑漢志庚戌燎于周廟、庚乃剛日、而宗廟內事、非所宜用、不如經文丁未合、且庚戌至乙卯、僅六日間耳、三舉大祭、數煩不敬、不知劉歆何所據、而云爾、予謂外事以剛日、內事以柔日、曲禮文也、果可為周一代之定制乎、果為定制、則洛誥戊辰、玉在新邑、烝祭歲、何、解、祭不欲數、數則煩、煩則不敬、祭義文也、不過謂春秋嘗各有定期、不得煩黷、非為初得天下、事多創典、今日祭此、明日祭彼者言、果爾、則召誥周公丁巳、用牲于郊、翼日戊午、乃社于新邑、又何解、古者天子出征、所謂類帝、宜社諸祭、要亦不過

數日間即徧及豈得拘祭不欲數遂曠日持久坐失
兵機耶余至此始悟晚出武成改丁未祀周廟者欲
合衆日改庚戌柴望不似漢志庚戌辛亥連日者避
祭不欲數之文也朱子又疑燎非宗廟之禮此或見
周禮大宗伯職以絜燎祀司中司命觴師兩師而人
鬼之禮只有六享不聞以燎不知閭人掌大喪祭紀
之事設門燎司烜氏掌凡邦之大事共墳燭庭燎月
令季冬之月收秩薪柴以共郊廟及百祀之薪燎正
用子宗廟朱子亦偶忘失
按漢志三引武成逸篇而東晉始出之武成遺其二

孔冲遠直目漢志所引為偽書顏師古則漫指為今
文尚書皆不察之論也